

靈寶无量度人上品妙經卷之五十一 宣一

消除疾疫保命延年品

道言昔於青元天中飛景真音大玉洲土受  
元始度人消除疾疫保命延年無量上品元  
始天尊當說是經周迴十過以召十方始當  
諸座天真大神上聖高尊妙行真人無鞅數  
衆乘空而來素雲瓊霞瓊軒鳳蓋紫霄流霧  
碧落騰光靈芒暉暉煥太元五日五夜諸  
天宮室靈館靈關七色文耀瓊璣停輪三辰  
合照萬象咸寂地發嘉祥天現玉文法音遠  
響洞徹諸天三界肅清四海澄靜一國地土  
山川林木細平一等無復高下土皆作碧玉  
無有異色衆真侍座元始天尊懸坐空浮九  
龍寶局之上說經一通諸天大聖同時稱善  
是時一國男女仰聽法音玄悟仙真之道說  
經二過正性虛明說經三過靈氣降身說經  
四過蕩除業累萬疾皆愈說經五過六腑五  
臟灌鍊生華說經六過飛精變形金光易骨  
說經七過神妙備體常保完全說經八過化  
周三界息及十方疫癘普消人民康樂說經

九過幽薨昇天冥官息對說經十過萬物迷  
性道遠太平是時一國是男是女莫不傾心  
皆受護度咸得長生

道言是時元始天尊說經一過東方無極無  
量品皇老大神無鞅之衆浮空而至說經二  
過南方無極無量品太丹大神無鞅之衆浮  
空而至說經三過西方無極無量品月華大  
神無鞅之衆浮空而至說經四過北方無極  
無量品靈光大神無鞅之衆浮空而至說經  
五過東此無極無量品帝暉大神無鞅之衆  
浮空而至說經六過東南無極無量品雲綱  
大神無鞅之衆浮空而至說經七過西南無  
極無量品伏魔大神無鞅之衆浮空而至說  
經八過西北無極無量品高清大神無鞅之  
衆浮空而至說經九過上方無極無量品冲  
虛大神無鞅之衆浮空而至說經十過下方  
無極無量品洞元大神無鞅之衆浮空而至  
十過周竟十方無極消除疾疫保命延年至  
真大神一時同至一國男女傾心歸仰始者  
心有法病身遭邪疫三界之內一切群生無

量天民或有身雖得道未脫冥數為陰陽五  
行六氣之所陶冶者各各思惟因緣所證得  
道果位法身真形應報種種體三十六變出沒  
幽顯又有世間衆生曾為不善凌犯五方金  
木水火土官之考身累疾疫或愚氓暗陋不  
順天道不知生理五行尅伏凌勃騰負鬱悒  
萬變水疫則寒火疫則熱金疫則清燥土疫  
則喘汗木疫則燥慄疾疫流行鬼癘為害如  
是等衆十二類生成皆雲集市遠座下既聞  
元始十過宣說靈寶飛天玄妙大範三界十  
方悉皆濟度飛仙列聖來者有如細雨密霧  
於是元始神光八出普映十方速覽萬天再  
告天衆曰道非情言象先無偏近比人心候  
來忽往變化莫測混雜難量謂之心者非真  
常也衆生昏愚積業重厚假心以知智緣智  
以體神神凝而體道若不知真人修用之理  
則心識鄙濁近連鬼道合以邪蕩之氣則為  
疾為疫害其本年不全天壽能固氣於虛合  
神於無心為神守神守靜則精正精正則形  
完萬邪莫干疾疫不入身既無疾保命延年

100774607

輔以道念栖泊自然玉符金篆服御雲霞長  
生得道列爲真人是時十方天人聞是語已  
感歎稱慶天光顯瑞神寶揚輝混元玄珠并  
已九有虛皇說經都竟衆真監度以授於我  
當此之時喜慶難言法事粗悉諸天復位依  
欵之間寂無遺響是時天人過值經法普得  
濟度全其本年無有中傷傾土歸仰成行善  
心不妄不貪不偽不著不執不非不爲不見  
不謬不戒言無華綺口無惡聲齊同慈愛異  
骨成親國安民豐欣樂太平經始出教一國  
以道預有至心宗奉禮敬皆得度世  
道言元始天尊說經中所言並是諸天上帝  
內名隱韻之音亦是魔王內諱百靈之隱名  
也非世之常辭上聖已成真人通玄究微慈  
念群衆除營萬生使三氣明正五常順德消  
除疾疫保命延年若疫毒一身疫過世土正  
心謹氣積善果功則南極監簿司錄名權  
解禍尤宥過紀績能悉其章誦之十過諸天  
遙唱萬帝設禮河海靜照山嶽藏雲日月吐  
華列曜何精溫邪滅熾疾疫清平虎符金簡

紀錄功名鬼魔百毒斷種戮形天命順道正  
氣流行三官執奏翼衛神兵捕覓大理考校  
檢程賞善除妖益靈駐真至學之士誦之十  
過則五帝侍衛三界稽首魔精畏服鬼祇滅  
夷濟度疾疫絕而得生所以爾者學士穢氣  
未消體未洞真以制十方威未制天政德可  
伏御地祇束縛魔靈但却死而已不能更生  
輕誦此章羈鬼傳殃供養尊禮門戶與隆世  
世昌熾與善因緣萬災不干神官侍中典省  
天機獨步玉京度人無量爲萬道之宗魏巍  
大範德難可勝  
道言凡誦是經十過諸天齊到德曾萬祖幽  
鬼苦爽皆即受度天機上生韓司易名格皆  
九年受化更生得爲貴人而好學至經功滿  
德就皆得神仙飛昇金闕遊宴玉京也上學  
之士修誦是經疾疫無干神闕氣真濁府散  
開邪試無門丹火內鍊骨變延齡皆即受度  
飛昇南宮世人受誦則延壽長年後皆得作  
尸解之道鬼神暫滅不經地獄即得返形遊  
行太空此經微妙普度無窮一切天人莫不

受慶無量之福生死蒙惠上天所寶不傳下  
世至士齋金寶效心盟天而傳輕泄瀉慢殃  
及九祖長役鬼官侍經五帝玉童玉女各二  
十四人營衛神文保護受經者身  
道言正月長齋誦詠是經消除青疫九夷老  
氣尅害人身爲上世亡魂斷地速役度上南  
極太微天機省中趨化昇職七月長齋誦詠  
是經消除白疫六戎老氣尅害人身身得神  
仙諸天書名神霄玉府西華堂中金書青簡  
削死上生十月長齋誦詠是經消除黑疫五  
秋老氣尅害人身爲國土帝主安鎮國祚保  
天長存世世不絕常爲人君安鎮其方民稱  
太平八節之日誦詠是經安寧八景奮靈八  
威辟却八邪永無百疫三田生珠諸節道理  
血變瓊醴精鍊玉華得爲九宮真人本命之  
日誦詠是經異氣不生疾疫無侵年命固永  
鬼怪潛靈鬼神澄正萬氣長存不經苦惱身  
有光明三界侍衛五帝司迎秉政天樞雲騎  
珠纓萬神朝禮參位太玄功滿德就飛昇上  
清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐赤青黃三色雲  
氣之中內外翁冥有青龍白虎朱雀玄武  
獅子白鶴羅列左右六甲六丁伏魔大將

備衛前後日月照明洞煥室內項生圓象  
光映十方如此分明密呪曰

無上玄元太上道君召出臣身中三五功曹  
左右官使者侍者玉童傳言玉女五帝直符  
直日香官各三十二人關啓所言今日吉慶  
長齋清室修行至經無量度人願所啓上徹  
徑御

無上三十二天元始上帝至尊几前畢  
引烈三十二過東向誦經

元始无量度人上品妙經  
元始洞玄靈寶本章消除疾疫保命延年無  
量度人百魔隱顯雜合自然太始無形召氣  
成真氣出無緣津虛凝玄玄為氣母何懼飛  
烟王液錄光金精八寶玉京嗟我碧落凝旋

三景轉赤九童澄淵自成玉文無極至真三  
五九一是為天根元始祖妙靈寶生神温厚  
滋養堅澤剛輪開明三氣化生諸天玄黃混  
淪金火相乘變化陰陽正邪乃分正為物宗  
守之長生邪為疾疫禍害逸騰惟知道真可

以全身五臟真氣結為靈文無文不先無文  
不明無文不立無文不成無文不度無文不  
生上應圓耀天中之天鬱萃玄臺太皇玉京  
高極無上玄虛紫宸眇劫劫仍若若存三  
華離便泰清黃庭金闕玉堂景素神池流布  
洞氣消滅萬殃清正瓊輪周迴十方中有度  
人不死之神中有南極長生帝君中有消除  
疾疫大神中有太微天機省主好生韓君丈  
人中有南上司命司錄文昌益算度厄保命  
延年上真迴骸起死無量度人今日校錄諸

天臨軒  
東方無極皇老神王長生大聖無量度人  
南方無極太丹神王長生大聖無量度人  
西方無極月華神王長生大聖無量度人  
北方無極靈光神王長生大聖無量度人

東此無極帝暉神王長生大聖無量度人  
東南無極雲綱神王長生大聖無量度人  
西南無極伏魔神王長生大聖無量度人  
西北無極高清神王長生大聖無量度人  
上方無極冲虛神王長生大聖無量度人  
下方無極洞元神王長生大聖無量度人  
十方至真飛天神王長生度世無量大神並  
乘三景飛龍十華翠輦九鳳雲車流光玉輿  
騶駕神虎辟非蒼甲之麟建召真之節耀空  
靈幡前列六陽大將後從八史神兵九天飛  
真遊空步虛五老啓途群仙翼轅德乘萬騎  
浮空而來傾光迴駕暨真度生玉宸保相南  
極至靈上生監察金闕元君執錄把籍齊到  
帝前隨所應度嚴校諸天內保至真建植功  
錄仁恕忠孝不犯三官六洞無名過度冥關  
宿疾普消疫災不干邪鬼破腦四目當前衆  
聖降接保命延年普告三界無極神鄉泉臺  
洞府此闕冥關六天雲管火刀鐵山列奏神  
霄玉簡敷宣釋除疾疫穢禍凶愆上解祖考  
億劫種親疾除黑簿落滅惡根不得沉淪拘

億劫種親疾除黑簿落滅惡根不得沉淪拘

1100000000

制鬼群虛皇詔命時刻昇遷北都寒庭檢會  
神龜大魔保度升化朱宮死鬼受鍊隨運長  
存生身受度劫劫無傾隨劫輪轉與天齊年  
永度三塗五苦八難超凌三界道還上清上  
清之天天帝玉真無色之境梵行

東方八天

玉歌耀宗天	帝平羅景都
帝歷鳳昌天	帝真章紫洛
皇禹正化天	帝瑤府宛鈞
齊命登華天	帝尹說持明
江宵遶期天	帝覺遠景虛
球度蘭理天	帝香寂司干
永生久臨天	帝越梵治行
樞落左玄天	帝承安止宮
南方八天	
願極宗召天	帝敬司校靈
并道指頤天	帝慶遠慈睇
太微機輔天	帝迴明庸康
召真訊智天	帝除庸究當
普信注玄天	帝問亨補宜

龍光照生天	帝祈堂紀達
冲妙延常天	帝轉英集輪
月諸慶號天	帝赤津良
西方八天	
龍化嬰如天	帝並京德光
奧洞演于天	帝樂宣無垠
照幽洗翔天	帝積疆延
秘俞極浪天	帝總監真
影為窈空天	帝初嗣百遠
玄度意冥天	帝報朝何嵩
茲芽雲藏天	帝降籍司陽
宵重忻虛天	帝伯巫期將
北方八天	
監明正化天	帝安遠定方
太華上先天	帝秘師九祥
日負攝國天	帝肇無辨
黃絲霞煥天	帝文諦霜
朱涵溢今天	帝彰民踐區
印格制魔天	帝元真藏
攝京回布天	帝斛元禮淵

正一天師清微弟子洪百堅製作

神倉放逸天 帝幽強宇元

三十二天三十二帝諸天隱諱諸天隱名天  
中空洞自然靈章諸天隱文天中之樞天中  
之機天中之轄天中之輓天中大魔天中之  
靈玉天金闕中有至神布氣度人福及萬生  
九和十合變化上清無量之奧深不可詳數  
落神真普度天人辟除毒禍讓解北辰犯忤  
大赦南極元尊消除疾疫保命延年今日欣  
慶受度歷關諸天請滅三惡新絕地根飛度  
五戶名列太玄魔王監舉無拘天門東斗消  
疾西斗除愆北斗保命南斗延年中斗大魁  
主領元官八十一神總監衆仙青帝蕩度白  
帝施教赤帝宣威黑帝開導黃帝中主萬神  
從詔青天魔王身佩帝書赤天魔王飛行太  
虛白天魔王萬惡潛誅黑天魔王統攝真符  
黃天魔王布令玄都五帝大魔萬神之宗執  
天大範總領鬼兵魔攝仗節遊觀太冥神化  
無方與天同生上天度人嚴攝寒庭元玉受  
命普持秋禱疾疫莫作正氣流行生民自牧  
却滅禍殃命如山河福壽長蒼天師寶符玄

靈太章龍文虎徽追召魁剛屠割鬼奕風火  
 無停千千截首萬萬剪形魔無于犯鬼無扶  
 精三官九都考察鬼營不得急縱金馬驛呈  
 化周無窮符告萬靈上宮玄宰飛奏帝宸無  
 極高妙耀華洞清氣生芳澄天地備成神運  
 變化風火交騰精鍊九劫水躍龍門雲凝玉  
 堅天關九關瓊觀寶樓萬神守垣九絕明耀  
 朱符召仙日揚九光月吹十霞五斗回車天  
 英蘊蘭帝妃游香玉真踞軒五老授職三官  
 迅軒保民無疆吉慶如山真元吐氣金馬當  
 前沁霄隱庭奏鐘舞律正道流行疾疫莫登  
 命曆益算壽年億千五方天使虎中龍官威  
 領制券歸造真玄丹輝啓明運周自然元皇  
 大布靈寶玉篇赤書五符八威正文保安大  
 劫使氣飛行大梵包羅萬品施張元網布演  
 無極諸天輪轉無色周遍十方騰駕扶搖旋  
 歷經常消除疾疫五方之神天溫六傷却以  
 洞文災怪消除善宮絕源天機奏名玄軌交  
 鑿二十五氣歸功上元八羅冥會合混玄玄  
 玄中大真天帝高皇泛景太霄吟引宸風金

昌明秀消蕩妖凶密落齋擊流響雲宮仙音  
 攝氣靈光返生太微御正上昇玉京邪厲殞  
 珍仙真列言三氣護生六府散烟千和萬合  
 自然成真真中有神長生大君正御南極掃  
 滅妖氛收除怪害五疫消平太一持火燒蕩  
 魔官司命膺策收伏群邪桃康命靈萬景合  
 延執符把籙召命生根上遊上清出入黃庭  
 明堂之內絳闕之中保正玄丹三真道官中  
 理五府境域明通十轉回靈萬氣齊升升仙  
 鍊養無極度人上開八門飛天寶輪罪福禁  
 戒宿命因緣普受開度死鬼生身身得受生  
 上聞諸天諸天之上各有生門中有空洞誼  
 歌之章魔玉靈篇辭參高真

第一欲界消除疾疫飛空之音  
 秋群干正 肆毒分身 遊散八方  
 疾疫生民 水寒火熱 穢氣紛紛  
 進尸滅真 惑亂世人 韓司校錄  
 南極大鈴 炎烟赫衝 善惡遠分  
 文昌帝君 九萬官君 符命下傳  
 風火無停 疾疫普消 壽樂康寧

生道既正 名奏天機 降集真氣  
 救災却非 玉津灌鍊 與身同飛

第二色界魔王保命延年之章  
 冠我碧藥 龍文虎書 帶劍朱綾  
 香霧雲衢 升文玉璽 威鎮太虛  
 太上黃籍 五老天符 仙官注筆  
 布命元都 壽年無窮 大化安舒  
 疾疫不入 心有玄儲 虛皇垂教  
 萬惡皆驅 南昌大府 朱陵上官  
 洞陽火官 嚴駕九龍 寶珠顯妙  
 真文下敷 丹化凡骨 昇入帝居  
 笑爾阿人 詠此靈音 舉形變仙  
 上升天堂

第三無色界魔王升神造玄歌曰  
 剛風為石 壘此重山 風澤堅凝  
 深藏帝闕 日月運行 流轉諸天  
 化君主令 有形悉頌 爾氣清空  
 爾形秀冲 邪疫無侵 湛然神官  
 大經龍塔 合交景雲 血化玉液  
 精鍊瓊輪 魔王虎冠 彌幟朱耕

10014815

錄子正心 授子仙官 雲層我裁

黃霞碧波 授過冥曹 高仙玉仙

劈手登翠都 笑歌入無何

此三界之上飛空之中魔王歌音音參洞章

誦之百遍名度南宮誦之千遍魔王保迎萬

遍道備飛昇太空過度三界位登仙公有聞

靈音魔王敬形敕制地祇侍衛送迎板出地

戶五苦八難七祖昇遷永離鬼官寬度朱陵

受鍊更生是謂無量普度無窮有秘上天文

諸天共所崇泄慢墮地獄禍及七祖翁

道言此二章並是諸天上帝及至靈魔王隱

秘之音皆是大梵消除疾疫保命延年之言

非世上常辭言無韻麗曲無華宛故謂玄奧

難可尋詳上天所寶秘於玄都紫微上官依

玄科四萬劫一傳若有至人齋金寶贊心依

舊捨告盟十天然後而付焉

道言夫天運不終地道隔塞日月二星虧盈

凌犯氣行勃亂度數差忒大則為至聖神人

之休否小則為木學生民之疾傷時疫流染

方域生災同氣皆當齊心修齋六時行香十

遍轉經福德立降消諸不祥無量之文普度無窮

道言夫末學道淺或仙品未充運應減度身

經太陰或疾疫為害保命無傾臨過之時同

學至人為其行香誦經十過以度屍形如法

寬神徑上南宮隨其學功計日而得更生轉

輪不惑便得神仙疾疫清寧人安道泰永保

天齡

道言夫天地運終星宿錯度日月失昏四時

失度陰陽不調則災氣自生疾疫為咎使國

界水旱兵革未平疫毒流行兆民死傷師友

契盟有致延染皆當修齋行香誦經夫齋戒

誦經功德甚重上消天災保鎮帝土下攘毒

害以度兆民生死受賴其福難勝故曰無量

普度天人

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛右列至人尅得為聖君金

闕之臣諸天記人功過毫分無失天中魔王

亦保舉爾身得道者乃當洞明至言也

諸天中大梵隱語無量音 道君撰

元始靈書中篇 東方八天

天相樞明 機省元同 中黃四司

玉籙上公 靈虛太玄 錫命真封

雲文秘紀 校績南韓 天妃錄品

簡昇紫垣 章號瓊輶 朱曜洪頒

護宇連龍 府闕命神 碧圓通照

萬道冥神 南方八天

感帝交仙 羽縹素烟 梵泥自澄

洞魔駐庭 驛騰信散 官師允審

憫符昭濟 功念幽泉 利庇黎冲

進除果嚴 激思求逸 深贖浩田

無落由動 壁刻元歸 救澤苦涸

常應匪遠

西方八天

空含慈模 仙令枝宣 謹悟真織

孔雄假乾 返為默祝 兵胃濟蕃

救章鑽究 成島俠連 變有忽網

測梓武賢 諱愚祈昏 奏迷縛還  
中帝赤懸 威劍蒼旣 識奏香辨  
斯質華聯

北方八天

王宸宰儀 洪蕩胡時 忽透象察

役曹橫旂 統按宿生 火迅車馳

駟典責文 嶽圍蒐疑 蒙弄充正

敷式奚重 教檢斗剛 太一九個

失慘丙注 符策按圍 日葵公馬

戮罰拉推

兔滇長澤東 谷雲散苑南 赤圖震皇西

賦醜榮垂北

已上四句計一十六字消除疾疫未

書服之吉

道言此諸天中大梵隱語無量之音後一十六字治病去疫斷瘟密教其法秘重有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大敷魔王保舉洞真道備魁得遊行三界昇入金門此音無所不辟無所不攘無所不

度無所不成天真自然之音也故誦之致飛天下觀上帝遙唱萬神朝禮三界侍軒群杖束首鬼精自亡琳琅振響十方肅清河海靜默山嶽吞烟萬靈振伏招集群仙天無氛穢地無秋塵冥慧洞清大量玄玄也

十六

元始无量度人上品妙經卷之五十一

正一天師清微弟子 洪百 作 道教學術資源網

靈寶無量度人上品妙經卷之五十二 宮三

玄明洞淵品

道言昔於紫元天中綠景空歌太晨光土受元始度人玄明洞淵無量上品元始天尊當說是經周迴十過以召十方始當詣座天真大神上聖高尊妙行真人玄明洞淵五靈玄老水帝八方九海洞淵龍玉水官四十二管江河泉源官屬將吏無數眾昇空而來流雲霧霧驚玉之與玄明之策紫蓋神輪洞霄垂蔭流虹寶光萬色鬱勃洞映太空五日五夜諸天日月星宿象沈海影網蟠玉樞珠暈璣微停輪駐耀神宮鎮靜靈嶽收雲天浮八騫氣清九野一國地土山川林木緬平一等無復高下土明玉晶無有異色眾真侍座元始天尊玄坐空游玉光七變靈寶實座之上說經一遍諸天大眾同時稱善是時一團男女歸依元始玄明洞淵之法悟此生元先從珠露說經二遍信知真水變化無窮說經三通知見柔明利物幾道說經四遍思念生宮初降洞淵之氣腎華甲冑神龜溘遊說經五

110714070